



Broj: 07-03-04-2693/22
Sarajevo, 03.02.2022. godine

Na osnovu člana 4. Pravilnika o načinu i programu polaganja ispita za redara, sticanje ovlaštenja za obavljanje poslova redara na skijalištu i izgledu i načinu izdavanja legitimacije redara ("Službene novine Kantona Sarajevo" broj 20/19) Ministarstvo privrede Kantona Sarajevo raspisuje

O G L A S za polaganje ispita za redara na skijalištu

I Predmet oglasa

Prijavu na ovaj oglas može podnijeti lice koje želi polagati ispit za redara na skijalištu.

Ispit za redara polaze se po programu koji obuhvata sljedeće predmete:

- a) "Poznavanje ovlaštenja i dužnosti redara na skijalištu" i
- b) "Poznavanje skijanja".

Napomena: Kandidat koji ima licencu izdatu od organizacije koja vrši stručno ospozobljavanje u oblasti skijaškog sporta i koja je upisana u Registar, ne mora da polaže predmet: "Poznavanje skijanja", ali je dužan da uz prijavu dostavi original ili ovjerenu kopiju izdate licence. Ukoliko kandidat ne prijavi polaganje ispita za predmet "Poznavanje skijanja", a ne dostavi dokaz o izdatoj licenci, ne može pristupiti polaganju ispita "Poznavanje ovlaštenja i dužnosti redara na skijalištu".

II Dužnosti redara

Redar u vršenju svojih dužnosti ovlašten je da:

- a) privremeno obustavi, do konačne odluke šefa staza, upotrebu skijališta ili nekog njegovog dijela na kome održava red, ako postoje okolnosti u kojima upotreba staze nije dozvoljena;
- b) upozori, odnosno udalji sa skijališta ili njegovog dijela lica koja se ne pridržavaju pravila utvrđenih Zakonom i pravila o redu na skijalištu, koja ne raspolažu ispravnom skijaškom opremom, koja prave nered na polaznim stanicama žičara, ili su pod uticajem alkohola ili droge;
- c) prekine rad žičara ski liftova dok se ne uspostavi red na ulaznim i izlaznim stanicama žičara;
- d) obavijesti nadležnu policijsku upravu ukoliko se skijaš ili drugi neposredni korisnik skijališta u korištenju skijališta ne pridržava utvrđenog reda na skijalištu;
- e) uskrati jednu ili više vožnji žičarom licu koje svojim ponašanjem ugrožava ili može ugroziti bezbjednost upotrebe skijališta, odnosno žičare (pijana lica i lica pod uticajem droge, lica koja se ne pridržavaju utvrđenih pravila o ponašanju na skijalištu, lica koja sa sobom nose nedozvoljene predmete i sl.).

III Sadržaj prijave i potrebna dokumentacija

Prijava na ovaj oglas podnosi se isključivo na obrascu koji je sastavni dio oglasa.

Uz popunjeno prijavni obrazac, kandidat je dužan dostaviti sljedeću dokumentaciju:



1. Rodni list kandidata;
2. Dokaz o školskoj spremi i smjer koji je kandidat završio;
3. Fotokopija lične karte;
4. Uvjerenje o zdravstvenoj sposobnosti za obavljanje poslova za redara na skijalištu (posebna zdravstvena sposobnost);
5. Dokaz o plaćenim troškovima za polaganje ispita za redara na skijalištu.

Napomena: Tražena dokumentacija se dostavlja u originalu ili fotokopiji ovjerenoj od strane nadležnog organa ne starija od 6 mjeseci.

IV program polaganja ispita

Ispit za redara polaže se po programu koji obuhvata sljedeće predmete:

1. Predmet “Poznavanje ovlaštenja i dužnosti redara na skijalištu” obuhvata gradivo koje se odnosi na poznavanje zakona i podzakonskih akata kojima se uređuju javna skijališta, a naročito u vezi sa:

- a) mjerama bezbjednosti i redom na skijalištu;
- b) dužnostima i ovlaštenjima redara na skijalištu;
- c) pravilima reda na skijalištu (ponašanje skijaša i drugih lica na skijalištu);
- d) pravilima korištenja žičara i ski-liftova na skijalištu;
- e) skijaškim nesrećama;
- f) sredstvima prevoza na skijalištu;
- g) sadržajima, izgledom i mjestom postavljanja znakova i signalizacije na skijalištu;
- h) korištenjem i radom skijališta;
- i) prestankom rada žičara i ski-liftova;
- j) opominjanjem i udaljenjem lica sa skijališta;
- k) obezbjedenjem opasnih mjesta na skijalištu;
- l) osnovama ovlaštenja i odgovornosti inspekcije na skijalištu.

Predmet “Poznavanje ovlaštenja i dužnosti redara na skijalištu” polaže se pismeno i usmeno. Usmeni dio predmeta se polaže nakon položenog pismenog dijela.

2. Predmet “Poznavanje skijanja” može da polaže kandidat koji je prethodno položio ispit iz predmeta “Poznavanje ovlaštenja i dužnosti redara na skijalištu”.

Predmet “Poznavanje skijanja” obuhvata sljedeće gradivo:

- a) poznavanje i rukovanje opremom za skijanje;
- b) poznavanje oblika i tehnika skijanja (alpsko skijanje, snowboarding, telemark);
- c) poznavanje uređenja i pripremanja ski-staza.

Predmet “Poznavanje skijanja” obuhvata provjeru spretnosti u skijanju kandidata po kriterijima određenim važećim programom nadležnog sportskog saveza, a vrši se na skijalištu na području Kantona Sarajevo, na mjestu i u vrijeme koje odredi Komisija.

V Pravni izvori:

Za pripremu polaganja ispita za redara na skijalištu koriste se sljedeći pravni izvori:

- a) Zakon o turizmu (“Službene novine Kantona Sarajevo” broj: 19/16, 31/17, 34/17 Ispravka i 13/21)



- b) Zakon o javnim skijalištima ("Službene novine Kantona Sarajevo" broj: 54/12).
- c) Pravilnik o načinu i programu polaganja ispita za redara, sticanje ovlaštenja za obavljanje poslova redara na skijalištu i izgledu i načinu izdavanja legitimacije redara ("Službene novine Kantona Sarajevo" broj 20/19)

VI Troškovi polaganja ispita

Troškovi polaganja ispita za redara utvrđeni su Odlukom o visini sredstava za realizaciju usluga Ministarstva privrede Kantona Sarajevo kako slijedi:

Polaganje ispita za predmet:

1) "Poznavanje ovlaštenja i dužnosti redara na skijalištu"	150,00 KM
2) "Poznavanje skijanja"	150,00 KM

Sredstva se uplaćuju posebno za svaki predmet na Depozitni račun Budžeta Kantona Sarajevo broj: 1411965320008475, sa naznakom budžetske organizacije 1801 – Ministarstvo privrede Kantona Sarajevo, vrsta prihoda 722429 – ostale kantonalne naknade.

Napomena: Kandidat koji ima licencu izdatu od organizacije koja vrši stručno osposobljavanje u oblasti skijaškog sporta i koja je upisana u Registar, ne mora da polaže predmet: "Poznavanje skijanja" te ni da vrši uplatu za taj ispit, ali je dužan da uz prijavu dostavi original ili ovjerenu kopiju izdate licence.

VII Rok za podnošenje prijave

Kandidati se na ovaj Oglas mogu prijaviti u roku od 10 dana od dana objave Oglasa na web stranici Ministarstva privrede Kantona Sarajevo: <https://mp.ks.gov.ba/> i dnevnom listu "Dnevni avaz".

VIII Način podnošenja prijave

Prijava na Oglas sa traženom dokumentacijom podnosi se isključivo na prijavnom obrascu sa potrebnom dokumentacijom u zatvorenoj koverti sa naznakom: "Prijava na oglas za polaganje ispita za redara na skijalištu, NE OTVARAJ", na adresu:

MINISTARSTVO PRIVREDE KANTONA SARAJEVO
ul. Reisa Džemaludina Čauševića br. 1
sa naznakom:
O G L A S
za polaganje ispita za redara na skijalištu

Na poleđini koverte obavezno navesti podatke o kandidatu (ime i prezime i adresa)

Rok za predaju prijava na ovaj Oglas je 10 (deset) dana od dana objave Oglasa na web stranici Ministarstva privrede Kantona Sarajevo: <https://mp.ks.gov.ba/>

